

ST


PURGAT
DE S
PATRICI

ST

ST

35





~~L. 119.~~

~~2912~~

argy.
oc. 30
pallid.

Æ. 353.

(Pièce I, Daurion 1052.)

Pièce 2.

Pièce 3 : [Canuti]. Un second ex. mentionné
à la Bibl. Mazarine (Mazais et Dufresne, cat.
Inc., p. 737, n° 621(5)). Ce n'est aucune des éd.
de la B.N.

Pièce 4 : Ce n'est aucune des éditions de -
crites par M^{lle} Pellachet ou Brunet. Ce n'est
pas non plus l'édition de la Bibl. J. de Rothschild,
ni celle du G.K.W. (1964 et suiv.)

Pièce 5 : Ce n'est aucune des éditions citées
par Brunet, IV, 119.

Pièce 6 : Ce n'est aucune des éditions citées
par Brunet IV 980.

Série 7. Parables de Solomon

Ce Recueil contient 1°. stella Clericorum 2°. La Con-
fession de frere Olivier Maillard. 3°. Remede très utile
contre fièvre pestilentielle. 4°. La Complainte douloureuse
de l'ame damnée. 5°. Lettre [fort singulière] du prêtre Jean.
6°. Purgatoire de St Patrice. 7°. Les paraboles de Salomon.

Remedie tresutile contre fieure pestilencieuse. et autre maniere de epidemie approuue par plusieurs docteurs en medicine.

A l'honneur et a la louenge de la tressainte et in diuisee trinite. de la glorieuse et tressacree marie mere de dieu. et aussi de toute la court celestielle. Pour la cōseruaciō de ceulx qui ont sancte et reformaciō des malades. ie veul soubz la correction de mes anciens maistres et docteurs aucunes choses traicter et desclairer a la chose publique profitable. et contre la pestilence qui souuēt les corps humains inuade et cōtrairie. Les quelles choses ie traicteray par ordre selon ma petite puissance en la maniere qui ensuit.

Premierement.
Des signes prenosticables dicelle pestilence. **L.i.**

Des causes dicelle. **L.ii.**

Des remede a lencontre. **L.iii.**

De la exortacion du cneur et principaulx mēbres. **L.iiii.**

De flebotomie. **L.v.**

Des signes prenosticables de pestilence. **L.i.**

Les signes par lesquelz on peult prenostiquer parler et cōgnoistre de la maladie pestilencieuse. Sont pour ce present euvre assignes sept tant seulement.

Le premier signe est quāt en vng mesmes iour tēps de ste le vent se change et mue par plusieurs fois tout ainsi que le au matin il appert pluuiieux et apres obscur et nubieux. et finalement plain de vent. La quelle chose principalement procede du vent meridional. cest a dire de midy.

Le second signe est quant souuent es fois au temps de ste les iours se aparoiſsent et se monstrent totalement obscurs.

Tout en telle maniere que se plouuoir il deust et non obſtāt il ne pleut point. La quelle disposiciou est a craindre. et signe de grāt pestilēce quāt le tēps demeure longuemēt en tel estat.

Le tiers signe est quant nous voions sus la terre au tēps de ste abōdāce de mouches. Et ce signes denote infectiō de lair.

Le quart signe est quant les estoilles apparoiſsent au regard humain choir et partir de leurs lieux. Et ce signe de rechief denote lair estre infecte et charge de moult de vapeurs venimeuses.

L.a.i.

A. Caillaut

(3)

Le quint signe est quant le regard humain iuge et luy est ad/
uis que les cōmetes volent. Et ainsi que le philosophe declare
en metheores. L'apparition dune cōmete souuēt porte signes
merueilleux car par les experiēces souuentelsois veues telle
apparition denoie mort tresfurieuse. Ravisemens z depreda/
tions de cites. Dangier et grant peril de mer. obfuscacion de so/
leil. mutation de royaumes. tourment et affliction au peuple p/
peste et par famine.

Le sixiesme signe est quāt il est abūdāce de fouldres et de ton/
nerres. Et principalement quant il viennent et procedent de la
partie meridionale.

Le septiesme signe est quant plusieurs ventosites sourdēt
et procedent des parties meridionales. car ilz sont venimeuses
et immundes. et engendrent puanteur tresdangereuse de la q̄l
le peult sortir vne pestilence a corps humain cōtagieuse
et doubtable. la quelle nuyt et gresue la creature en telle
maniere que nul medicin ny peult remedier. fors seulement la
pitie et misericorde du dieu toutpuissant.

Des causes dicelle pestilence. zc. l.ii.

Les causes de pestilence sont diuises en trois. Car au/
cunelsois elle procede et vient de la racine dembas

Aucunelsois de la racine denhault Et aucunelsois de

touslesdeur ensemble. Pestilence peultestre causee de la ra/
cine debas. comment nous pouon voir quant nous auōs au pres
de nostre chābre latrines ou autres choses particulieres. par
quoy l'air peult estre corrompu et infecte.

Et telle pestilence
est dicte pticuliere z peult eschoir z aduenir de iour en iourz di/
celle vient et procede vne fièvre pestilencieuse de la quelle plu/
sieurs medecins sont souuent deceuiz non congnoissans telle

fièvre estre pestilencieuse. Aucunelsois aussi vient et procede
telle pestilence par la corrupciō des charongnes mortes et cor/
ruption de estangs. La quelle souuent aduenit aux lieux cor/
rumpiz.

Et ceste est aucunelsois vniuerselle et aucunelsois
particuliere. De la racine denhault aduenit souuent ceste pe/
stilence par la vertu des corps celestes. Des quelz est corrompu

le perit vital en la creature humaine. Et de cela parle auicen
ne en son quart liure. disant que de la forme du ciel et par l'im/
fluence des corps celestes sont souuent et de ligier les corps de

la terre.

Et de ceste pestilence il y a plusieurs manieres de la
quelle il y a plusieurs manieres de la

bas corumpuz et infaictz. Car l'impresion celestielle corūpt
l'air. Et par telle corruption est en l'ome corumpu l'esprit de
vie. De la racine superioire et inferioire. cest adire tant p
l'influence des corps denhaut que dembas est aucunesfois cau
see pestilence quant par l'impresion celeste l'air est corumpu
en telle maniere que par putrefaction des charongnes est en
l'ome maladie causee. Et aucunesfois telle maladie est fieure
et aucunesfois et en plusieurs est apostume. Car l'air aspire et
attait. est souuent venimeux et corumpu qui gresue et fort
blesse. le cuer. par quoy nature est en plusieurs manieres de
bilite et gresuee. de laquelle lesion ne se peuent les medecins
apparcevoir. Car souuent apparent bones urines et bones di
gestions au passient. que non obstant ce il sent a la mort. Et
pourtant plusieurs medecins considerans z ayans regard seu
lement a l'urine de leurs passiens superficiallement en parlāt
et sont deceupz. Pour quoy il est de necessite que le passient de
telle maladie touche pouruoye de medecin seur bon et souffi
sant en telles choses expert. Et par ainsi apert des causes de
pestilence.

Fourte les choses cy dessus declarees on peult mouuoir et
demander deux questions. donc la premiere est telle. On de
mande premierement pour quoy de la dessusdicte maladie l'un
meurt et l'autre non. Et en vne mesme ville / en vne maison
les vngs mourront / et en l'autre maison non. La seconde que
stion est telle cest auoir si telles maladies pestilencieuses sōt
contagieuses. A la premiere question ie dis que cela peult ad
uenir pour deux raisons. La pmiere est de la ptie de l'action
des corps celestes les quez regardēt plus vng lieu que l'autre
ou l'autre q l'ung. La secōde raison et cause vient de la partie du
passient. car cōment ainsi soit que tous humains ne soient pas
equalemēt cōplexiōnes. l'ung peult estre cappable d'une mala
die donc l'autre ne l'est pas. Et est a noter que ceulx qui plus
sōt disposes a telle maladie sont les corps chaulx q ont cōduiz
larges z porrosites ouuers replez de plusieurs humeurs. z les
corps des quelz grant resolutiō est faicte. cōmēt sont les hom
mes q malbsentz trop frequātē leur de nature. ceulx q vlsēt
de bains / ceulx q p grāt labour ou p ire vehemēte se eschaffēt
tous telz manieres de gēs ont les corps pl' q les autres a telle

La.ii.

pestilencieuse maladie dispose. **A** la seconde question ie re/
spondz et dy que telle pestilencieuse maladie est contagieuse car
des corps infaitz pnt humeurs et defluēt fumees venimeu
ses corumpans et causans infections de lair. Et pour tant il
est necessite de fuir ceulx qui de celle maladie sont a tains.
Et en temps pestilencieux fuir grans cōpaignes de peuple.
Car en grant multitude en peult auoir vng infait par le quel
plusieurs autres seront corumpus. Et pour ceste raison les
saiges et experts mediciens en visitant les passiens et malades
se tiennent loing diceulx en tenant leur face vers la porte ou
aucune fenestre de la maison. et ainsi doiuent faire les serui/
teurs et gardes des malades. Et est a noter que chose bonne
et tresutile pour la sancte du malade est par aucuns iours
charger de chambre. et souuent auoir les fenestres de la cham
bre ouuertes vers la bise ou vers orient. et tenir les fenestres
deuers midy closes. car le vent meridional en soy a deux cau/
ses de putrefaction. La premiere est que il debilité les
corps tant sains que malades. La seconde est que ainsi
quil est escript au tiers de amphorismes. Le vent austral enfle
et engrossi gresue loupe et blesse le cuer. car il cuure les con/
duitz et porrosites de lōme et enfre et penetre iusqs au cuer
Pour quoy est bon a lōme sain en temps de pestilence quant
le vent meridional vente soy tenir en la maison tout le iour
Et qui par necessite seroit contraint de aler hors ne parte ius/
ques ad ce que le soleil soit hault et dessus nous iuplant.

Des remedes contre.
la dicte pestilence. **L.iii.**

A Pres cen que nous auons veu des causes de pestilence
il les couuient a present dire et desclarer aucuns reme/
des et conseruations contre icelle.

Pour la quelle chose est a noter selon et iourte le dit du
supernaturel et souuerain medicin disant et parlant par here
mie que pour excellente et seure medicine lōme doit delaiuer
pechie fuir mal et faire bien. et en humilite ses peches confes/
ser. car en tēps pestilencieux confessiō et penitāce sont a eue
preferes deuant toute autre medicine. Et pour remede z

conseruation du corps. La souueraine chose est fuir les lieux.
et les personnes infectes. mais pource que plusieurs sont qui
ne peuvent pas a leur prouffit ne cōuenablement muer les lieux
de leur habitatiō. Je leur cōseille en tant que possible leur se
ra de fuir toutes choses qui peuvent produire putrefactions. z
cōsequēment soy abstenir de frequentation de femme prin
cipalement. aussi on se doit garder en temps pestilencieux du
vent qui deuers medy vient et procede. car il est de sa nature
cause de plusieurs infections et putrefactions dangereuses.
Et pour celle cause est il deuāt dit que les fenestres de la mai
son de la partie dont celui vent procede doiuent estre closes
iusques a heure de prime. et ouuertes de vers la partie de sep
tentrion. Pourtant aussi auon nous dessusdict que toutes in
fectiōs sont a fuir et a euitier. cōment sont destables de chāps
de places. et dessus routes choses de infection de charongnes
pourris. et de infection des eaux. laquelle est tresdangereuse.
Il aduient aucunes fois que on garde pour l'usage de la mai
son les eaues trois ou quatre iours qui peult engendrer aux
corps de ceulx qui en vsent dangereuse infection.

Aucunes fois aussi en plusieurs maisons il ya vieilles dalles
goutieres ou conduitz soubz terre ou les eaux de l'usage de la
maison se iournēt et s'arētēt. z la causēt telle infection q̄ les ha
bitans de celle maison meurent et ceulx de leur prochaine ha
bitation demeurent sains et en bon point.

¶ Semblablement on doit fuir en diligence le lieu ou len vent
les choux ou les porrees. car les choux pourris et infectz de
leur nature engendrēt infection et odeur moult cōtraire.

Et tout ainsi que les odeurs aromatiques cōfortent et cōsolēt
le cuer. ainsi p̄traire les odeurs infectz le greuent z debilitēt
Pourtant il est cōuenable et necessaire pour obuier en telle in
fection quelle nentre en maison ne en chambre ou len repose
de tenir la maison garnye de feu a clere flamme. et des fumees
des herbes cy apres escriptes.

¶ Cest auoir lauribacee. iunipi. vberī. organi. quon treuve
ches les apotiquaires. ablinchi. ylopi. rute. z artimesic z ligni
aloes. le quel aloes mieulx vauleroit mais on nen peult pas
pour peude pris recouurer

a.iii.

Et soit telle fumee aspiree et traicte dedens le corps par la bouche et par les narines. car elle ratifie. affermist et cōforte le cueur et les entrailles dedans la personne.

Et pour icelle cause on doit semblablement fuir et euitier trop grande repletion. car les corps fort respletz de mauuaises humeurs sont de legier corripus et infectz. Pour ce dit au cens ne au quart canon que ceulx qui trop grant repletion appetent abregent leurs iours et le periode et fin de leur vie.

Semblablement l'omme doit euitier baing et estuues en grant compaignie.

Un petit morseau de charbon ou vne mauuaise alaine peult tout le corps destruire et infecter. Et finalement toute multitude de peuple doit estre fuyee.

Car ainsi que deuant est dit vne seule alaine peult plusieurs infecter. Mais pourtāt quil est fort a plusieurs difficile de s'abstenir de cōmune frequentation de gens. ceulx qui faire ne le pourrōt prennent et vident des medecines cy apres escriptes.

Premierement.

Quant la personne se leuera au matin mengeste vng petit de rue lauee en eau necte avecques vng petit de sel et vne ou deux grosses nops bien netoyes.

Et se il ne peult auoir lesdictes choses. prenne et vse d'une tostee moille en vin aigre. et principalement en temps troublez et nebuleux. Et vault mieulx en temps de pestilence demourer en la maison que d'aller hors. car il n'est pas chose saine de aller par my la ville.

Doit aussi la maison arrosee de vin aigre. de roses et feuilles de bigne. et principalement en este. Bonne chose est souuent lauer les mains avecques eau et vin aigre. et apres odorer les mains. Semblablement est bone chose tant en este cōme en puer adorer choses aigres.

La quelle chose ie approuuee a montpellier. car comme il fust ainsi que par cause de ma pouurete ie ne peu euitier la cōmunite de gens. Mais fus contraint d'aller de maison en maison pour curer et guarir les palliens.

Se auoie pour tout remede avecques moy vne esponge ou du pain mouille en vin aigre. La quelle chose ie tenoie au pres

de ma bouche et de mon nees. car toutes choses aigres em-
plissent les conduits et defendent les choses venimeuses de en-
trer dedans. et par ce moien ie euade la peste. Non obstant
que mes cōpaignons ne esperoient pas que vif en eschapel-
le. Et tous ces remedes dessusdictes ie p moy mesmes esprouues

De la confortation du cueur et des principaulx
membres. L.iiii.

Les confortemens du cueur sont. safran. carnifer. plan-
tain. anecques autres herbes qui ratiffient et consolis-
sent le spirit interiore. Et ces choses valent principalement
en vulgaire cōmunite ou facilement aduient que l'ung est in-
faict de l'autre. Et pourtant est il souverainement necessaire a
fuir l'aspiration des alaines. Et sachiez que les yeulx par l'im-
fection de l'air deuenient de legier obscurs. se l'ome ne porte
dessus lui les choses dessusdictes.

Chose tres saine est lauer souuent le iour les mains. la bou-
che. la face et les yeulx de au rose avecques vin aigre. Et qui
toutes lesdictes choses ne pourroit trouuer. prengne de laigre
et par cella pourra plus seurement habiter et frequenter plu-
sieurs cōpaignes. et si est tel remede laxatif tresutile pour le
ventre. Et se naturellemēt telle laxation faire ne se peult soit
fait artificielement par vng suppositoire. et a ce faire valent
moult pillules peulencielles qu'on trouuera vers les appoti-
caires. Doit aussi la maison tousiours entretenue de feu. car
le feu grandemēt empeche l'impression celeste et clarifie l'air

Au regard des viandes ie di que en especialle triacle est fort
utile tant aux sains que aux malades pourtant il est bon de
en vser deux fois le iour avecques vin cler ou avecques de au ro-
se ou seruoise a la montrance de deux cuilliers. Et doit estre
le triacle du tout au vescu de l'estremp.

Et apres que la personne aura sela prins il se doit abstenir de
toutes aultres viandes iusques au midy affin que le triacle
puisse dedēs le corps excercer les operations. Bone chose aussi ē
vne fois le iour vser et prendre bonnes viandes et boire vin
pur. nō pas en trop grāt abūdance. car la superabūdance de
viandes engendre de legier putrefaction de humeurs.

Vian des calefactiues cest adire qui peuent causer chaleur sont a fuir. cōme poiure. et aulx. Et non obstant ce que le poiure purge le cerueau de fleume et le especiaulx membres de superflus humeurs visqueuses. non pour tant a locasion de la chaleur qui engendre putrefaction plus en luy plaist la mairtume que chaleur. odeur ou saueur.

Les aulx semblablement non obstant ce que ilz purgent les fleumes et mettent hors les mauuaises humeurs et si esmeuent l'apetit et reboutent l'air. nō pour tant pource que ilz perturbent les peulx et eschauffent la teste de celuy qui souuent en vse il ne semble pas sain ne plaissant a vser.

Et pour tant que pestilence par cause de chaleur est souuent augmētee. toutes viādes de facile digestion sont les pl⁹ saines Et au matin est bon de prēdre. viādes boullies et deuers le vespre viādes rosties. brouez z chaudeaulx si ne sont fort mistionnes de aigre sont peu prouffitables. Car en temps de pestilēce les viandes aigres sont plus viles a corps humain que toutes autres medecines.

Semblablement tous fruitz sont nuisible si ne sont aigres: cōme serises/malagranata/ou au lieu de medecine vng petit de pōmes ou de poires. car tous fruitz engēdrēt putrefaction. Les espices communemēt prouffitables en temps pestilentielx sont cynamome. gingēbre/ciminum/ flores muscatorum et safran. car de telles espices peult on faire saulse pour gens riches. Mais silz sont pures qui n'ayent pas puissance d'auoir telles choses prēnent pour leur saulse rue saulge/noces galli/cas avecq's persil la tout broye z destrempe de vin aigre. Et silz sont de moien estat ou puissance ilz doiuent prēdre safran z ciminum z mettre par my aigre. car telle saulse vault moult z prohibez defēd toute putrefaction. Et avecques ce soy tenir soyeulx et sans melancolie est cause de sancte de corps / pour tant ne doit nul en tēps de pestilēce craindre la mort. Mais doit viure chascun en esperance de longue vie.

De flebothomie.

Fleubothomie peult une fois le mois estre faicte se la/ age ou autre chose ne le defeud come en pelerins ou en aucuns debiles de nature ou malades de flu de ventre. Et soit fleubothomie faicte en la basilique destre ou en la senestre deuant q la personne prengne refection corporelle de viande z apres l'infision la personne doyt estre et soy tenir ioyeusement et boire bon vin ou seruoise sans faire excès et soy garder de dormir le iour que la basilique est infisee. Et se aucun se sentoie iagre/ sue d'apostume ou infect il doit fuir le dormir querant copaignie ioyeuse ou en cgeminant. car en dormant la chaleur intrinseque appelle et a traicte a soy le venin au cuer et aux autres membres principaulx. En telle maniere que a paine peult on par herbes ou autres medecines restorer ne mettre en premier estat le corps de la personne. la quelle chose ne aduendroie pas se n'estoit par cause de dormir. Et qui voudroie faire question telle. cest assavoir se la personne est prinse de dormir naturel sil doit dormir ou non. A celle question ie responds en brief q se l'ome apres la refection en temps pestilencieux vouloit ou appetoit dormir il le doit differer en cheminant par aucune espace en aucun lieu plaisant come champs ou iardins. Et puis apres pourra naturellement dormir par l'espace de une heure. Et a ce propos dit auicenne que quant l'ome veult en tel point dormir. il doit boire aucun bon vin ou autre breuaige. Car l'ome en dormant peult attirer plusieurs mauvaises humeurs les quelles sont repellees par le bon breuaige estant au corps de la personne. Mais aucun peult mouuer un doubte tel. Cest assavoir come la personne peult sentir et appercevoir quant il est touche ou ataint de pestilence. A la quelle question ie respons et dis que l'ome insaict pour celluy iour ne mangera que bien petit. car il est replet de mauvaises humeurs. Et bien tost apres qu'il a prins la refection il desire le dormir et soubz une espeece de froid sent chaleur vehemente. avecques ce la teste deult en la partie de devant. Desquelles choses peuent estre reuoquees par soy mouuer ou cheminer par aucune espace. Car cheuacher ou fort travailler par chemin ne peult l'ome pour la pensanteur du corps. Mais appete en chascune heure dormir. car le venin intrinseque qui est dedans le corps perturbe l'esprit vital tellement que il ne

quiert que repos. **E**t par les signes dessusdictes peult
l'ome apparcevoir quant il est infect de peste. Et qui croire ne
le veuldra attendre le passe de medy iour. Et il trouuera par ex
perience que tantost sentira apostume soubz les bras autour
des oreilles ou aux parties dembas vers les espauls au col
ou au dessus des reins.

Cest doncques le souverain remede en temps pestilencieux de
fuir le dormir. Car quant le sperit repose le venin se part p les
membres. lesquelles choses iay de moy mesmes toutes experimē
tes et esprouues. Et pour tant quant l'ome se sent frappe de
pestilence il doit iceluy iour faire euacuation et extraction de
sang en grande abondance. car la petite diminution de sang es
meut z excite le venin. et qui ne voudroit faire de plusieurs vai
nes incision on doit par vne faire grand euacuation pour la
cause dessusdictes. Et l'ome qui de sang fait euacuation soit sain
ou malade il doit fuir le dormir p les raisons dessus assignes
Et si a aucune apostume il se doit faire inciser la vaine de la
partie du corps ou elle tient et nō pas de l'opposite partie pour
cause apres assignee


Pour tant se la postume tient
soubz le destre bras soit faicte incision en la vaine du milieu
du bras ou tient la maladie. et se e. le tient au senestre soit en
celle partie fait pareillement. Et se la postume tient en bas
vers les parties honteuses soit fait flebothomie au pie d'icel
lui coste vers le gros orteil. mais se la postume tient au col soit
fait en la main du bras de celui coste iourte le pouce z iourte
le petit doigt. Mais se la postume apparoit au pres des oreilles
de cephanica en la partie ou est le mal soit fait flebothomie de
la vaine qui est entre le pouce et le doigt d'au pres. affin que abū
dance de venin ne corrompu le cerueau ou de la vaine qui est
iourte le petit doigt ou l'ortel. qui de plusieurs medecins est nom
mee basilica. Se la postume apparoit aux espauls soit fait
diminucion de sang par ventouses. Et premierement de la vai
ne mediane. Et celle apparoit aux dos soit fait diminucion
sus la vaine appelée pedica magna. Et soient toutes ces cho
ses faictes se l'ome na dormir deuant la cōgnoissance de l'apo
stume. Mais se la postume est sentue apres dormir. diminutio
de sang doit estre faicte en croisee. Et assavoir se la postume
apparoit au bras destre soit flebothomie faicte du bras sene


ffre de la vaine du foie ou de la basilique ou mediane. et se la
postume apparoit au bras senestre soit fait come du dextre. z
cosequentement de tous les aultres membres tousiours en l'op/
posite partie. Et se le patient est apres telle diminucio de sa g/
soit debilité il peult dormir apres my iour. mais amy iour il
doit estre en continuel mouuement soit en cheminant ou che/
uachant moderement. Et se la postume croist l'ome ne doit rié
craindre. car telle apostume est cause de la sancte. Et affin q/
telle apostume soit plus tost mure et rompue faictes la medi/
cine qui ensuis. Boies des feuilles de seur avecques vng peu
de mostarde et soit fait emplastre pour bouter sus la postume
Aucuns cyrurgiens y veulent adiouster du triacle. La quel/
le chose ie difens sur tout. car la nature du triacle est de repel/
ler le venin. et pource seroit cause de le faire entrer dedens le
corps. pource seroit meilleur chose que le patient en beust pour
le venin contraindre a sallir hors. Autre remede pour apostu/
me meurir. Prenez de l'erbe qui est appelée selon les medi/
cins. barba iouis. sepillu plantaginē. et modicum de siligine
Et boies tout ensemble tant que leau en saille. puis destrā/
pes du lait de fēme et donnez a boire au patient. a cueur ieun
et deuant dormir. car adoncques exercera la medicine son o/
peration plus vertueusement. Item celluy a qui apparoitra
la postume prenne. auuelaines figues et rue et de ce face em/
plastre. puis metie sus la postume. z a tant suffise des choses
dessusdictes de pestilence.

Qui selon les choses dessusdictes se voudra regie et gouver/
ner il pourra euader les perilz et dangiers de la contagieuse
maladie pestilencieuse a l'aide de dieu nostre seigneur iesus
sans que nulle chose ne peult estre faicte qui est tout puissant
benoist et glorieux avecques la sainte sacree mere en gloire
perdurable. Amen.

Explicit.







1413.



